

չկարեմք պատասխանել ինչ: Նուրի էֆէնտին ասէ . բա-
 րեկամք՝ միթէ թագաւորն սո՞ւա գրեաց , եւ առաքողք
 հրովարտակիդ չգրեցի՞ն ինչ առ ձեզ . միթէ ուրացու-
 թեամք ձերով կարծէք յետս մնալ հրամանի Արքային . զի
 Տէրութիւնն ոչ սասց մեզ անսալ գրոյ Պատրիարքին Յու-
 նաց և չգործել ընդդէմ հրամանի նորին , այլ զգուշանալ
 չգործել ընդդէմ հրամանի իւրոյ , և յետ պատուիրելոյ
 բանիւ բերանոյ՝ գրեաց նաեւ Սաթթի Շէրիֆ , և ՚ի ձեռն
 պաշտօնէից հարկադրեաց գործադրել զգրուածս նորին :
 Յոյնք ասեն՝ եթէ անհրաժեշտ է գործադրութիւն հրո-
 վարտակաց , պարտ է գտանել զկորուստն մեր և յանձնել
 մեզ . յառաջ բերին աստանօր զՍ . Յակոբ վանք վրաց ,
 ակնարկելով ՚ի վանս Հայոց , զՍ . Փրկիչ և զՀրեշտակապետ
 այլովք անուամբք , որոց զարժանաւոր պատասխանիս ե-
 տուն Հայք , յառաջ բերելով զհրովարտակն Սէլիմայ եւ
 զերկար դատաստանն կոստանդինուպօլսոյ և զհաճութիւն
 երկուց ազգաց սակս ընկերովի եւ սեփհական տեղեաց ,
 զվերջանալն ատելութեանց և խռովութեանց . ուստի՞ ըս-
 տիպեալ աստ վերստին ՚ի դատ մտանել կամիք ընդ մեզ
 հակառակ հրամանի կայսեր , որոյ գործադրութեան փոյթ
 մեծ ունիմք ՚ի ձեռն պաշտօնէից : Դատաւորն դժկամա-
 կեալ ընդ բանս նոցա լռեցոյց զնոսա , և առաջի եդ Հայոց
 գնալ ՚ի Ս . Աստուածածին երկիցս ՚ի շաբաթու , և ՚ի Բեթ-
 դէհէմ երկիցս ՚ի տարւոյ գրով Յունաց , և պատարագել
 ՚ի վերայ արտաքին խորանաց : Հայք ասեն՝ եթէ այդպէս
 առնել պարտ էր , ընդէ՞ր ետ ջնջել զարձանագրութիւն
 առաջին հրովարտակին իբր հակառակ . և վասն է՞ր գրեաց
 հրովարտակ վարիլ ըստ մտաց հրովարտակին Սէլիմայ , յո-
 րում յիշեալ են ամենայն բաժանորդ տեղիքն . յայտ է թէ
 հաւասար լինել Յունաց : Դատաւորն ասէ . դուք Հայքդ
 ըստ ախորժակաց ձերոց մեկնէք զգիրս , բայց իլամն և
 թագաւորն ցուցանէ ՚ի բաժանորդ տեղիս ուխտ առնել ,
 և ոչ զօրէնս կատարել : Հայք ասեն՝ երկուց ազգաց հրո-
 վարտակքն ՚ի մի և ՚ի նոյն միտս գրեալ են , զի եթէ մեզ
 ուխտ՝ ապա և նոցա , առ այս ասէ՝ Յոյնք ՚ի բնէ ունէին .
 Հայք ասեն՝ այն էանց , այժմ ըստ մտաց հրովարտակին
 զօր ինչ առնեն Յոյնք ՚ի բաժանորդ տեղիս , զնոյն և մեք